

晚

晴

移

詩

匯

晚晴簃詩匯卷一百五十九目錄

姚濬昌 四十首

江堤 十八首

蔣敦復 十一首

蔣日豫 十七首

柯蘅 十三首

董兆熊 八首

萬斛泉 二首

方宗誠 一首

戴望 四首

李善蘭 一首

張道 七首

何其超 九首

周音 七首

程畹 七首

李光炘 五首

晚晴移詩匯卷一百五十九

徐世昌

姚椿昌字孟成號慕庭桐城人官竹山知縣有五瑞齋

詩鈔

詩話慕庭爲碩甫之子董塢之五世孫詩文義法鄭重薪傳初謁曾文正江西南軍次文正見其感事詩激賞之遂留幕府張廉卿稱慕庭所作創意造言獨憐典獨丁力之深殆爲罕儷其七律義法全宗惜抱而選詞儷事實與舊塢同工古體尤縱橫跌宕有獨往獨來之概此則存乎襟抱曠遠學問雅博非可強幾也

軍中雜感

上卿承詔轉雙旌獨立東南萬里清  
千嶂青山環大幕五更白雪壓孤城  
弓刀近徙良家子刁斗遙傳漢將營  
爲語孫恩莫輕敵如公忠赤在平生

霍嚮南去萬峯低獨立津頭聽鼓鼙江月自明湓浦北海  
潮猶上宛陵西漢家百六消銅馬楚澤三千下水犀好借  
豫章作根本坐收兵甲與山齊

兵謀廟算兩難諳欲問青天意更含卜相朝中驚鄭五總  
戎閫外說朱三借頭說敵謀終壞抉眼懸門事豈甘太息  
豪奸須駕馭坐看篝火又淮南

八面風雲護馬羣將軍開幕禮賢初朝投征虜壺中箭夜  
試睢陽架上書江左衣冠思五鶴并州名譽正雙居燕臺  
自貴眞騏驎駿骨翻勞月俸儲

### 輟權

輟權維春岸前村落照橫亂鴉爭獨樹殘角閉孤城山遠  
含煙重湖澄競月明長淮行漸近何處問韓生

宿范水卽事是去年經亂處

信宿邗江路孤舟又客亭  
遠天時有電微月不藏星  
問地驚新燬披圖按舊經  
他年曾泊處燐火滿荒汀

早發

月地光欲微雲影凝不變  
促駕卽泥塗履滑驚偶援  
吾生久行役甘苦倍經鍊  
追昔馬爭途感今鳥知倦  
宵輿殘夢續屢呵不能欠  
野棠結憶過飛雨時著面  
老樹合重陰天光讓一綫  
情來興送將境往悲同餞  
行行眩朝暾搜世感安寔

八月十五夜與同人西郭泛舟至一覽亭遲任菴庸  
菴不至

依辰秋魄暉無事怪底人間競遊戲  
老子情興亦不淺絕

江一耀琉璃碎朦朧樹色隱微峯雲波片片青芙蓉夜深  
不作小海唱恐便驚起龍宮龍

橋欄束人如半暈千頭萬手相摩進長年亦解愛蕭瑟投  
篙疾過秋鷹迅石寒水落魚阻梁輕舸忽瀉谿流觴息肩  
息足兩何利媿此滿船明月光

大樹交柯如鬬蚪小樹列岸人對愁情空無繩繫孤鏡湛  
湛欲墮鰻魚丹蒼山數轉坐超忽谿光沙色望不歇但添  
葭葦綴菰蒲便抵吾鄉練潭月

微風織波織鱗輕吹船著岸沙頭橫良朋隔船望不到燈  
火徐散蒼煙生迴船陳迹已如夢酒香未絕茶香送十二  
萬年同刹那請君行樂莫教空

廬陵行

廬陵城西山陂隴村舍落落人不多老翁揚肘語鄰媪今  
年官吏追呼早豚子在園雞在埘詰朝坐看迹如掃我聞  
駐足問老翁老翁欲語雙睫紅前年縣尹逢李公催科雖  
急民情通豈知命薄事難料昔日狐狸今虎豹東鄰翁媪  
哭呼天豪家昨日奪民田欲將一紙公門去先費寒機數  
日錢數日錢誠辛苦天意亦有厚薄時南村苗枯北村雨  
公家有程敢怨嗟但令無觸班頭怒我聞未畢不忍聽穿  
林避日還入城城中衙鼓聲彭彭堂前敲朴後吹笙匡廬  
仙人黃白侶夜來不報當關豎大者千金小銖黍要津有  
路通爾汝日暮傳呼新樂舞明日令君壽小女

春色將還無端興感風前花下率意口號彙而錄之  
雷驚露斷燕飛還意興無端似轉環三月春陰山閣暝一

庭花氣華門閒片雲孤出難成雨野鶴閒飛易返山底事  
流鶯相喚急故園歸到又江關

祇祠高與白雲齊謀國諸賢盡種蠡海市已通遼水北煙  
艘又過皖城西山開鬻霍連三楚江挾巴渝出五谿終是  
聖朝無外日治兵不恤怯羌氏

舊日梁園諸友散雞豚後會倍關情維摩道足偏多病梁  
倚才高解外生脈脈花光春色薄濛濛雨腳暮江鳴何當  
卜宅南村去煙舍雲塘事耦耕

自別龍眠長薜蘿天風吹綠下槃阿徐陵文字東游少殷  
浩聲名北去多鳩欲依人難擇木燕知得食便營窠曉來  
聞道村沽美且上江樓倒叵羅

諸芳擁綠上閨幃花意闌珊春意非無限愁心鶯獨語有



痕春夢燕雙飛  
薜蘿香冷輸金鴨  
楊柳風生憶錦駢  
誰信妝臺斷消息  
壁燈猶照彩雲衣

送敬甫

皖江秋浪洗血箭  
商芝秦桃滿下縣  
不緣鄭驛廣招賢  
世有蕭郎何由見  
卣彝出土鼎傳周  
元珠媚川璞不鏤  
胸辦溜澠口唯諾  
品藻時出日懸秋  
江城一別三千里  
流星掣電十年矣  
忽然名字落吾手  
狂叫不及復倒屣  
潁士風流未逐貧  
布帆春水度江津  
西州華屋仍花鳥  
回首龍門更幾人

偕吳摯甫

汝綸

方倫叔家子椿姪

永椿

攜楷樸概三

兒子尋披雪瀑卽送吳方二君北行

堆案簿書麻縷縛偷閒不肯望邱壑  
勸農催賦亦有情走

馬看山欣出郭而今身閒得婆娑青鞋踏徧蒼山阿名山  
咫尺藏奇瀑有約不到理則那朝來好友發情興賈勇同  
尋披雪徑丹青神鬼舉國狂幽谿獨向樵夫問誰夢鈞天  
在帝鄉攜壺逃醉人間藏至今山鬼不敢取側立破甕流  
天漿深州故守腰腳好方子奇情滿懷抱相攜絕頂謝時  
人颯颯天風動襟褱源深境絕亦何窮豈必前規勝後蹤  
君看厓上題名字水穿石勣難爲功由來適意莫放手那  
得更計百年後藉莎据石茶煙中走馬撐船亦何有須臾  
暮色起遙山雲木相望各渺然歸鴻正北君方出官裏良  
時莫教失

秋日偕寒人攜楷樸概三兒山中散步

含秋散晨衿遵澗繚修嶺林稀山氣疏水落石梁整遠迹

人易親寡用晝知永既聯渤涉興亦遂宣舒請懸梯掇晚  
果淪茗汲秋井翠巘當戶深雲竇觸村冷平生愜幽期靜  
緣覲天幸浮游苟不迷彌祀同俄頃曠覽日謝暄發贖燭  
思秉疇偕采藥人長此畢形影

海門雜感

吹盡淮南落木風角聲千里滿長空更教明月來天際無  
限寒光碧海中

鐵甕城東接浦江樓船舊部本無雙沿邊不是無胡馬未  
築三城已受降

江南花鳥久彫殘誰向桑田拾玉丹聞道重樓起天末海  
風吹盡不知寒

身出淮陰舊將家腰弓臂箭聽胡笳無端獨上狼山頂射

得孤鴻落遠沙

秀峯寺觀瀑布龍潭作歌

山忽飛行水忽止誰爲大塊主張弛神斤鬼斧削不成走  
石流砂皆可喜破舟側卧藏大壑古孟偃仰沈潭底銀漢  
年年仰面看只今知在深山裏白龍噴沫怒幽阻觸斷崩  
厓拔地起若教變酒澆磊塊想注腹中亦如此妙境從來  
不可求扁舟十過今游始忽思瞿唐三百里五月懸濤瀑  
相似坐疑天公壓濁世倒翻海水洗塵滓飛雪奔雷又入  
眼一瞥驚魂卅年矣頭顱與水爭潔白世路崔嵬生尺咫  
何似仙人綠雲中俯視五嶽邱垤爾大巧無心奚足怪奇  
處紛拏如黍稊歸來尋磴望瀑源佛閣僧堂半荆杞增減  
誰知千劫過古今聚貉一邱比請看石上滿題名十九詢

之骨同死相期信手掬神泉共向人間伐毛髓

暮行東郊

日黃猶未落眾山生夕霏不知城郭遠漸覺煙樹微老鴉  
時一鳴漁樵三五歸卽事感枯槁慨焉思息機

夜發黃村

城頭戍鼓近殘更月黑天高玉斗橫暗徑野駝鳴鐸過遠  
村深樹見鐙明中原何日東方旦世路難期蜀道平見說  
燕南秋潦盛正傷苡菽沒官程

山齋

人語四絕窗含光夜起開戶山蒼涼星河捲盡碧無際祇  
有孤月懸中央興來獨往坐潭石過清之境宜仙藏樹影  
在地如刻畫微風不起谿煙長細泉轉石響琴筑定水浮

魚唼落香誰言過眼但俄頃鯢髻蚊睫齊彭殤只虞邂逅  
不知惜交臂一失無由償砉然一嘯風琅琅半斜樓影月  
在梁是歸是寄澹相忘金翅劈海白東方

秋興

碧雞金馬自天開吳船黔賁萬里來鐵索有橋通佛國金  
沙無水洗滇灰艱難表疏思雄略險峻江山養異才回首  
昔年觴詠地卧龍躍馬不勝哀

閩江山直惠安橋海氣天風萬里遙漳島南窺珠浦月仙  
霞東瞰浙江潮煙含碧葉檳榔碎雨過黃梅荔子嬌寂寞  
釣龍臺畔路吟魂廿載倩誰招

三吳雲物冠南垂麋鹿臺空舊俗移靈藥不辭師子遠角  
釵爭炫日林奇玉簫金管荒鹽市錦纜牙檣罷漕司太息

海陵諸父老翠華十見到江涯

我朝絕漠三千里恰克烏梁大帳開霜黑寒門通虎節日  
黃碎葉進龍媒繻傳東海連西海星拱中台接上合誰料  
北庭南牧馬只今宵盱望邊才

黑水南迴若木東煌煌大業憶高宗葵通西旅書頻卻雉  
貢成周譯不重碧悔浮槎丹詔去黃金鑄冊紫泥封豈知  
此日爭蠻觸一例羈縻大度容

憶上狼山百尺樓醉凭危檻望神州宮中弋綈悲精衛閣  
下絲綸狎悔鷗壯士不青俗客眼書生空白少年頭洛陽  
豈少徐文遠碧水丹楓獨送秋

寄摯甫

獨坐懷人遠三年尺素遲春鐙微雨夜貧酒落花時政好

憐岑沐官閒課衮師向來文事祕深淺與誰知

曉發蓼塘

一月東風曉尙寒  
閑禽深處過禪關  
微茫澹靄村前樹  
斷續殘雲雨後山  
麥秀已勻農事起  
水波纔綠釣人閒  
官輿又是江南夢  
愧煞春犁畎畝間

午雞

九衢車馬簇雲煙  
清響因風得偶傳  
四海煙塵誰起舞  
一窗晴色憶談玄  
碧幢幸少祠神使  
絳幘深愁作堞年  
時修

費六百萬金

旅館下簾渾漫想  
重明日月正堯天

曉鴉

銅龍魚鑰正攢更  
宮樹眠鴉警夢情  
彩仗千官穿隊影  
畫樓雙鏡曉寒聲  
傳頭封事虛西府  
逋尾閒歌聽上城  
牢落



一翁楊柳畔含情陣陣看縱橫

質言一篇送无錯

高樹不藏暑火雲蒸午暉游子戒巾裝何以避炎威迢迢  
望經歲始來雪霏霏鴈鳩啄桑椹駕言千里違貧賚難久  
留此情吾已知揮手在數日舉室同聘貽汝歸堂上樂汝  
去吾親悲悲樂境良殊那復能挽回嫁女不遠行如何慰  
尊慈報劉苦日短且復聊相依滔滔大江水日夕無停機  
南風發庾嶺著意更相催海門何沆漈狼山何崔嵬大澤  
萬怪多出門慎所之常言六合表壯游豈非宜但恐明發  
懷一日腸九迴讀書愛玉體勿逐輕薄兒天衢軼蕩蕩虎  
豹無蹲雎木落江上寒秋高鷹隼飛望汝時登閣念予或  
開扉予懷江湖深汝器悔山奇荊州有豚犬亦逐龍象馳

聳身入閭闔聯步思杜韋逝將從汝翁一笑滄海湄

長宵

虛堂吏散歇絃歌小立蒼苔意若何獨樹當空來月早殘  
蕉入夜受風多近聞美詔哀鴻雁準擬諸軍罷鵲鵝直北  
高寒天路遠長宵無睡對星河

江湜字弢叔長洲人諸生浙江候補從九品有伏敵堂

詩錄

彭詠莪曰弢叔詩古體皆法昌黎近體皆法山谷無  
一切諧俗之語錯雜其間戛戛乎其超然出流俗矣  
詩話弢叔詩兀然蘇林一再稱其筆力蓋自序述彭文敬  
及青浦熊其英蘇林一再稱其筆力蓋自序述彭文敬  
是生亂離之世不得志於有司一尉終淪半通僅假  
內悼身世念庭闈傍徨鬱勃發爲危苦之言要亦  
有不能自己者至其性成習染蹈宋人利日在  
所不免此正其詩病讀者勿沿流而忘源也

秋感

楓葉本非花質殊桃李杏風霜爲假合  
喧柴綴春景隨榮亦隨落策策墮荒梗  
可憐幾葉紅猶弄夕陽影譬若老逢掖  
忽啖紅綾餅晚景誠獨佳歲月亦垂盡  
何如松柏姿蒼翠自冬嶺

物生大化中伸屈天所與草木不怨凋  
黃落應節序陰蟲爾何感戚戚如私語  
天寒入苦吟物性有迎距徒使孤孽魂  
感激愁羈旅蟄藏理固然幽恨誰憐汝

春盡

天本無涯若有涯郵籤計日水程賒  
敦敦隻候迎船過漠漠征帆向晚斜  
野外風來寒欲雨舟中春盡客思家  
別離心緒情惟路一任瞢騰送歲華

旅情

月山余言卷之二  
九  
憶昨芳菲節辭親來帝畿及今搖落後念我曠庭闈枕上  
家千里鐙前夢一歸世寬兒自拙老淚莫輕揮

蘭山道中

石路無塵一徑斜春風茅店野人家山田綠盡耕初起閒  
著一村紅杏花

旅夜用孟郊體

百愁如百矢無弦以心控一發還射心愁矢妙百中噫嘻  
孤畸人將鐙與影共有輪轉離腸無膠續斷夢飢鼠動承  
塵詎能答短諷

治生無鐵鉗諧世失要領宦學費五年凡百啗畫餅苦勞  
阿嬖慈凋髮念谿嶺續鐙恨自光面壁無兒影焉能摘船  
去不日叩廳屏

馬瘦隴坻迴輪摧邛坂曲未信盈尺地捩眼看悟觸巡檐  
瓦碎頭倚柱碣跪足德人履大方未塗苦偏促誰能叱良  
御爭道向碁局

檐雨滴空廊一滴惟一音羈人坐修夜一坐非一心一心  
亡故懷剩有愁相尋且披折縣衣自奏明徽琴咄哉子野  
死虞韶成衛淫

龍巖州除夕醉後賦長句三首時將赴漳泉諸郡

亂山環合龍巖州鎖門十日不出游今朝獨上城南樓一  
望兮萬峯起立入胸次化爲突兀磊砢之羈愁歸來對燭  
更淒絕苦念明朝是元日城頭鼓角雄且哀更聞一片春  
聲來千家爆竹如驚雷火樹燄燄燒成灰此時主人醉我  
酒百杯蒼頭行炙紛相催羊腔魚尾滿案堆眾賓開口歡

追陪座前蘭蕙庭前梅  
燈燭照耀花爭開不知此中樂事  
爲誰有客淚多於主人酒

昨夜家書來自驛母氏之言父手跡  
燈前一讀百歎息淚與空檐雨同滴  
男兒不能忍窮守家術乃使風霜雨雪  
飢渴凍勞憊憂愁疾病痛一一盡入老  
親夢家有榆樹藏烏鴉烏鴉之鳴聲呀  
呀音書此時不到家老親聽之思天涯  
擲琰問卜愁轉加又況今日除夕明日  
元辰四時佳節更番新天機自動諸弟  
妹膝前頗解思行人牽衣挽問兄在  
閩屈指六年南北他鄉春吁嗟我生七  
尺身不如牛醫之兒能奉親

吾悲夫閩山之竹何不大者爲屋椽細  
者爲篙爲釣竿而乃編排架結成竹轎  
載客兀兀攀巖巒使我身如鷹與鷂

摩雲一日千迴盤盤嶺路走不盡龍巖南去滄瀛近火  
維地荒土俗惡颶風蚤雨早晚作山有魑魅水鮫鱐土人  
以島嶼爲安居格鬪爲笑樂嗟我何爲去棲託況聞蠱蟲  
羣飛金蠶長瘴風吹作蘭花香使人中此愁肝腸吁嗟乎  
人間豈無吾故鄉曷不遄歸盤與閩

彥冲長江月夜圖

十年京口幾經行記怕金山問水程浩浩夜江流月色蕭  
蕭風荻亂秋聲扁舟載夢醒何處獨雁叫霜天未明當境  
有詩常錯過今看圖畫見詩情

晚步至普照寺同金樸夫

華

市聲塞耳不能聽轉入禪林取意行寺破剩看殘佛在塔  
高留得夕陽明與君短臘同爲客卽日新交倍有情更一

徜徉可歸去寓齋分對兩鐙檠

深夜

思鄉深夜正愁生六扇西窗忽半明獨有天衢無梗塞又看一月在空行

冬夜

冬齋伏案偶凝思適憶童年勵學時貧覺鐙邊書有味寒生夜半足先知是時老母坐相課端爲縫衣睡更遲已矣餘生無報答又將嗚咽寫爲詩

我翁客授不家食歲晚歸來課藝勤未必譽兒真有癖嘗因對客命爲文科名原不關吾道著述何當慰府君此日鐙前惟有泣傳家一集并遭焚

負手蒼茫繞室行也知兩大最無情百千萬變青鐙在四



十五年白髮生怨有呵天若雲氣淚如到海作潮聲福安  
書至傷心極尙望江南一日平

蔣敦復字純甫號劍人寶山人諸生有嘯古堂詩集

王子潛曰劍人詩慷慨激昂沈雄鬱勃有把酒問天  
拔劍斫地之概才既奇特性尤兀傲以狂名著落魄  
江淮間奇窮復罹奇禍以至削髮逃方外及返初服  
舉博士弟子員豪氣已減低首備書猶好談兵事上  
書當道多不見用晚乃得

一席地特以羈縻之耳

詩話劍人早負雋才猶及見阮文達姚石甫諸公皆  
盛稱之請益於姚春木謂其於前輩相似處多勗其  
自進於古殆篤論也其才分不減孫子滿  
舒鐵雲諸人在咸同間洵爲江東之秀

古意一首柬范雍亭刺史王四篁二尹

消息無因問短琴天風環佩託知音誰憐駿馬黃金骨難  
悔姮娥碧海心日暮孤蘭愁道遠天寒倦羽入林深窗前  
一夜聽檐鐸江上還爲處女吟

獨行海上作歌告哀言之無罪惜當事者終竟不聞也

讀書必讀尙父韜結交須結扶風豪崎嶇天地不得意冷落人間一寶刀我行出門數千里落落陰相天下士開口談兵笑我狂塞默胸中負深恥拔劍四顧心茫茫斗血悔風吹不涼軍門長揖獻奇策竟受謠詠蛾眉傷嗚呼男兒生死本度外何人報國心肝在君父如天忍面欺廉恥掃地甘身敗債帥威輕令不行前車轍覆今能再客將連營意太驕鄉兵入市市人號亞夫軍中但堅卧高克河上徒逍遙老成孤立辦一死未願國體輕鴻毛居民一日屢駭竄連天妖火驚飛憐惜哉吾謀竟不用坐視安用藏蓬蒿憂以思歌且謠但見大海之水東南日夜流滔滔

秋懷

閒尋芳草白蘋洲人世何堪我獨愁  
小雅文章眞痛哭美人顏色不宜秋  
似聞北海沈青羽遙指瓊樓掩玉鉤  
片石殷勤置懷裏迢迢西北暮雲浮

舊日風塵駿馬圖不成依樣畫胡盧  
愁來名士呼鸚鵡行到空山聽鷓鴣  
把酒天高何處問談兵人笑此才粗  
恩恩一擲成孤注悔煞黃金賺博徒

詠古三首和陶

二疏

王事云靡盬貞臣敢求去愧彼尸位流  
庶幾踐高趣車馬盈東門鴻鵠已騫舉  
吾思二疏心豈厭太子傳華轂而朱輪  
赭衣滿道路公卿若小吏要領那得顧  
國體貴善全沒

齒獲令譽權勢相傾軋旁觀代深慮牽犬入上蔡惜未識  
時務白蛤以臨刑悲哉負儒素鐘鳴漏盡時下士竟弗悟  
知幾其如神危事豈在著

三良

丈夫意感激身命輕如遺一朝螻蟻食百輩螻蟻微三良  
既以殉黃鳥鳴哀私壯士臨隧穴英風動靈帷君命雖云  
亂臣節敢自虧儻使赴敵愾視死尤如歸全軀保妻子飾  
說多依違成仁在取義今古亮所希我誦三良詩怛焉中  
心悲春風固烈烈同仇賦無衣

荆軻

車驅不復顧入此虎狼羸衣冠白如雪千里送荆卿酒杯  
澆熱血努力在茲行頭顱爲公擲仰天笑絕纓平生重意

氣不爾胡豪英擊筑動天地志已無秦聲田先生既死樊  
將軍何生肝膽舞陽裂魂魄祖龍驚劍術雖未講烈士固  
狗名美人惜菹醢駿馬空前庭時危任刺客才豈當干城  
咸陽楚人火西風漢家營天意固有在人事奚由成故交  
屠狗輩痛飲難爲情

古藤花館訪東坡僦居故址

老去君恩賜草萊買田陽羨尚徘徊三春破夢神仙骨萬  
里投荒宰相才明月瓊樓何處問朝雲瘴海未歸來高原  
醉酒呼千載大樹西風滿劫灰

護國寺弔宋萬安和尚

寺在常州東門內宋德祐元

萬安率義兵與郡守姚訔誓守城城破力戰死訔  
贈武功大夫入祀忠臣祠萬安在軍中作詩云時  
危聊作將事定復爲僧識  
者壯之詳郡人左輔碑記

英雄學儒必學佛天人戰勝持定力英雄爲將卽爲僧大  
義了了明心證常州城東護國寺毅魄英風照青史正氣  
先留不二門忠臣合祀禪和子是時南渡勢已危北來萬  
馬江中馳阿師起義誓城守白日不照天王旗敵氛不滅  
師不生刀頭熱血金光明睢陽常山亦人耳安與君父稱  
無情藏春散人號佐命楊璉真伽肆梟獍法門破壞阿修  
羅若輩貪利喪佛性亦有腰金橫玉人畫船歌舞西湖濱  
髮膚尙愛況性命高位坐使中原淪嗚呼萬安區區一頭  
陀忠義能與姚公俱風塵物色苦不到天下英雄無處無

高郵道中

來往蒲帆一幅輕江湖誰結歲寒盟依人客共魚蝦賤閱  
世心同鷗鷺清菱竹每看隄役苦水天閒話夕陽明風流

不見秦淮海衰草微雲空復情

訪王寬甫  
丈不值

張嘯山題詩拙集頗喻鄙人甘苦之旨次韻寄答

江湖悠悠行路人乾坤落落一士貧懷中久減禰生刺世上但墊林宗巾身宮磨蝎屢坎坷文字相知尙較可空山元鶴又逢君前輩青蓮應識我高譚捫鐘四座驚白髮不許頭上生看君著書盈幾尺使酒我自歌花卿鳶肩火色風塵面鑄鐵心肝終不變東南日出長相思西北樓高獨不見漸離擊筑荆卿歌相樂相泣當奈何眼中萬古淚常有天下一石才無多英雄入道須學問抑塞豈抱尋常恨洛陽年少爾何人放膽文章過秦論

蔣曰豫字侑石陽湖人歷署元氏知縣蔚州知州有問

奇室集

黃子壽曰伯石十歲詠詩效長慶體見者驚曰詩中  
飛將也爲學以實事求是爲宗以聲音文字爲窮經  
之要嘗論學曰純內不克以綜事純表不克以闡  
道博學詳說將以反約使天假年無以測其所至  
詩話伯石承常州學派以北江淵如皋文爲槩鑊年  
逾冠卽爲合有惠政久佐軍幕露布封章倚戈立就  
與修畿輔通志同列推其精博詩雅健喜效北江而  
藻韻佚麗才與學足以充之駢文填詞書法無不工  
游仙曲寄外舅吳賓岑先生

天風吹海珊瑚溼瓊樓隱約排雲出曙色微茫曉露濃霓  
裳一隊淩波立同躡青鸞拜玉皇五銖衣暝綴明璫白榆  
厯厯鶯聲滑碧水迢迢蜃氣涼雙成愁坐蓬萊島花落嫌  
山紅不掃笑擲明珠戲鳳凰星眸下覩塵寰好纔動塵心  
上界知一篇真誥降彤墀廣寒齊奏鈞天曲折贈芙蓉當  
柳枝璇宮人去蒼苔鎖世味深嘗無一可回首紅牆粉漢  
遙青天碧月情無那桃開桃落歲華賒重叩瑤池阿母家



乞返玉眞清冷地不司符籙只司花

題顧橫波桃花畫卷

貧隨江令賦閒情會把臙支畫晚晴賺得一餅桑落酒白  
門風雨做清明

便託微波夢已遲斷腸春色寄橫枝分明絕代蛾眉影認  
取題名護玉池

有人山上怨薜蘿同是青溪最小姑誤煞憐才心一片不  
堪重問過江圖

抱遺老人空江吹簫小像

一聲兩聲秋自語攬來樸樹灣頭雨歎歎咽咽背鐙成黯  
黯茫茫水乍生錦窠聊落梅花弄幾疊如傳黍離痛樂府  
嬉春宛轉情玉山品月承平夢我欲理此曲曲短愁復那

鐵龍鐵龍可奈何人生哀樂由來多不見平章秘密歌天  
魔何況垂楊垂柳千里催明駝當筵捉換琵琶抱頭白天  
涯淚更沈

墨宦歌

紅壁沙版神所蘇琳宮貝堂尤清都不亦傲岸游五湖溪  
山抗手吳船租秋蘿延拂先人廬作計亦勝長安居胡爲  
奇氣慘不舒腰間瘦弄青珊瑚掉頭不肯顧人事局面偃  
卧城東隅城東問字鮮攜酒矮茅數椽打頭走經廚茶磨  
可一肩家具居然素風妥愛書尤癖癖獨尊蒐羅漆簡沿  
皇墳壇碑獵碣漢瓦文黃初而下皆兒孫貯之衆曲倉餉  
以頻伽餅偏旁點畫制作精甚欲返古存其眞賞音只數  
許叔重著論猶薄顏黃門浮提石汁壺中催油拳百軸琳

瑯排明月代燭春風動帷微聞古香心神盪開金剛杵落  
音如雷陽驅陰欲波瀾迴商靈振粟雨夜來元精脫走眞  
珠胎書成擲筆忽長嘯萬古蒙昧如飛埃吁嗟乎識字不  
耕田牽舟慣僦屋蠹魚囊中笑聲作爾嗜宜難媚今俗人  
有計然書人有朝元錄衣披九霞府羣玉安得從君蹙眉  
讀士固勿相強疇能競尺矐墨磨世誠病宦養雅可徵優  
哉游哉歲辛勤作詩一散蒼蠅聲

除夕祭詩侑以三百六十字

昔人創祭詩歲暮例一作我詩雖不工頗亦出心腹閒庭  
勘塵事清供役童僕微聞古梅香發此春筍束悲歡紀蹤  
跡聊可歲華讀請更抒寫之登堂代巫祝鄙生實愚賤凡  
好皆不欲十三趨庭聞十五媚奇服十九始出游篇章漸

恢拓浮沈入朝籍詠歎雜饘粥朝登飯顙山暮輒督郵辱  
飢驅及三十轅下屢局促謂詩實窮人孔也賞端木謂詩  
折官職一品會昌錄古今異豐嗇何以敦勉勗得并昭事  
疎或愧程才篤無以牖靈明懺申則宜夙維時日窮紀漏  
鼓過參宿春風拂廣筵明月秉巨燭真形起方寸奔走及  
五嶽黃河瀉天來手酌一杯綠眾星妥從坐燦爛萬金粟  
載熏班馬香載侑迎年曲精神萃酌勞感召理不速大雅  
小雅材天仙鬼仙族白曾稱教主黃亦號詞伯或史而或  
王妖囚總難薄靈氛颯風雨壇坫各爭屬盡此一夕歡庶  
聯萬秋躅神曰大富貴惜爾不宜俗有金鑄浪仙勿貯阿  
嬌屋有國開陳芳勿效杜陵哭世誠苦憤憤爾嗜殊落落  
見異幸勿遷清貧卽眞福有花行可醉有石眠可啄壽考

庶不忘名山以爲鵠

哀龍城

龍城城中大纛走數十萬人泣以口口請擊賊乃擊民民  
擊還能代公守四月之庚力不踵外援亡歸賊來猛城竭  
守力守以心心盡填城作孤冢有生必死死重生一時義  
膽張如雲賊所不盡付水火僅者凍餒他鄉存嗚呼龍城  
不足惜所惜壞君東南之半壁蔽障可完力可扼一柱中  
流水輕擲君不見破吳入越曾幾時大纛今猶海邊立

書己未稟後

僅抱虛生感翻嫌造物優護持才落漠強作計句留觚踞  
堅論古詩胎瘦鍊秋平時飛動意牽抑向名流

奉檄赴古北口軍次祀輶有期書示同志

偶向中原賦采薇羽書連夕促征騑  
風自賞參軍檄繡雪來題老將衣  
如葉琴裝儕客燕落梅笳拍競妃  
稀平生自厭儒冠腐不爲封侯相也飛

唾手燕雲路幾干眞同一障去乘邊  
林盤蒼鶻橫殘照花撲黃驄豔少年  
盾筆煙高金戟拓文鱗波隔玉兕眠  
征西車騎馳如雨費煞嗔烏送錦韉

看山早已隘方州放眼關河屐齒收  
萬竈貔貅前出塞一篇鸚鵡獨登樓  
笑攬吳語供賓戲澆醒秦灰餉鬼愁  
莫更遼陽春色誤亂紅高柳拍天浮

絕塞風雲接大荒誰敲銅斗韻伊涼  
雞聲夜醒千門月虎迹秋盤萬嶺霜  
客慣漸忘塵夢換官卑也要國恩償  
鐙前獨抱龍淵嘯影爛芙蓉忍善藏

二公詩

江南提督張忠武公國樑

萬流注滄溟健者必先涌松柏長羣材精進自然聳桓桓  
張將軍秉氣最完鞏初爲草澤游混俗意疇懂束身歸明  
堂秉志效日奉富貴若固有嫌疑不懣悚突劍三百戰每  
戰必先董江淮十數年不獨小兒恐庚申夏四月雷雨陣  
酣攏偶未困獸防潰軍膽孤擁作書上告變字跡血糊塗  
督師心徬徨公遂裹創踊重臣辱敵手此事關國寵嗚呼  
八牌塘竟作王罷豕蘇常繼淪陷城血半傾壅公生民宴  
如公去死藉踵平時一蕢障到此始知重赫然留毅魄還  
足媿迂冗作歌示百寮誰得如公勇

湖北巡撫胡文忠公林翼

晏靡足殄身竊倚足隕名日處積順中黯然蹙天心荆襄  
二百年習俗酣嬉成竭頻示大罰原野皆荆榛堂堂中丞  
公振起湘川濱出守一再還利病洞若神及來作鎮撫彫  
劫叢汙陳慨然作教條鉅細規員程手開農貨源俾民奠  
其生杜塞衣食流俾民完其真吏皆知首公政乃臻大醇  
時艱不敢康武備爛修明寇懾皆遠颺紆籌急旁鄰龍山  
傳大捷國憤沈年伸至今破竹功累復數大城黔黎幸漸  
蘇皆出公精誠躬躬蹇臣節奄忽歸干春同時誦遺章朝  
野哭失聲作歌示百寮誰得如公勤

上夕集鶴柴分詠所得元醺壇銅匱

檀波已歇落紋蹙冷暈香班剔叢綠發匣回鐙四座看傳  
聞曾列延春閣徑圍尺六廣綯三有侈其腹口不函雷回



雲蒲走螭蚪寶貴不異尊敦盤當時九府停圖法可惜難  
資水衡乏演揲書傳梵供興尙方奇巧乘時劇畫革旁行  
字數行勒名還記鄭元康冷青濯絳鼓精氣作手何數工  
堂狼紀年至正歲丁酉彌勒香軍漸頤夥祕密猶酣影窟  
身咒詞親授天魔口一朝冷落亦可哀組鈴扇鼓皆成灰  
閱人羨爾堅能壽不例銅駝棘底埋聖奴老去河山缺熨  
手脂痕不能熱照徧人間今古愁窺檐只有團樂月取次  
摩挲冷興饒銀花火樹避煩囂牀頭試撥藏春甕擊琖聲  
還借影澆

金斗坊宅六十韻

大道將軍宅工徒不計年粉先生本拓村向主章遷輦石  
和雲縮九泥比雪妍垣防龍折篆沙路騎縈弦曉色山題

表濃香水態。媽花移銅甃。日樹老石房。煙響屨披廊。篠承  
璫絡井蓮。驚屏文曲衆。雀柎綺連。縣金碧。喧空立瑩丹。入  
望鮮南園。務觀記西第。季長牋憶昔。安韋布諮今。肆簡編  
常懷。憂世憤遠慕。濟時賢鏡笑。承蓉冷。經從緝柳詮。掄材  
臺選駿。升講席。銜鱸風轉。神仙到霄清。仕路便右曹。登賈  
爽。早貴比任延。晉令三台望。思公十漸篇。吟葩嫺袞補。拙  
焚倣繩愆。疏下同朝讀。幾俄右海傳。分符資衛瓘。推轂出  
鐔堅。古有長纓請。茲真秉鉞虔。高冠烏集闕。威節馬連錢。  
嶽色浮青幕。霜聲瀉白鋌。奉辭聲有赫。搏戰氣無前。殤有  
汪。踦慕鳴爭郭。綽先嘉占六。日捷猛氣萬。雷顛卽破東山。  
斧旋馳朔野。韉雨河資控。帶千里動崇。旆國偶混夷。駢墉  
堅。宋翟鵠鉤梯初罷衛。笳鼓又臨汧。挾寵懷忘畏。論功賞

漸專價爭諧北寺師只滋中田蒼鵲參軍帽黃驄從史軒  
拔茅甯果彙伏莽盡蒙全竟失鸛鵒旨須防獸因痊城焚  
池亦及鄰苦壑難填梟格新持禁蒲萄儘醉眠告緡疲粟  
帛計簿悉桑研府內財同乏房中樂乍宣風雲增骯髒煙  
月鬪嬋娟管氏三歸使楞嚴十種仙高裝金擁越暝老玉  
售燕賣醉新林夜嬉春細柳邊投壺聞齒粲貼錦趁腰圓  
信有從軍樂嘯撓大將權蠱生甘蒺藋魚得遽遺筌作福  
無餘地羣飛欲刺天勢將成炙手色倂傲齊肩得志甘忘  
國矜情昧涉川冠羊煩譏謬緹騎遂踟躕籍籍林徒送貲  
貲棘吏牽澡槃加劍請哼檻大車闌光未旄頭落詞難牘  
背滄華亭思聽鶴蓬塊泣嘸鵲帝怒鐫根蘖人思助菅櫛  
膏腴充少內須髮肆通塵水月生疑夢山邱感足咽塵封

門有莠廷判筆如椽功罪誠難掩驕淫極可憐夕陽留古巷猶記照歌絃

柯蘅字佩韋膠州人有春雨堂詩選

詩話佩韋少隨宦閩中嘗從陳恭甫游學許鄭之學著有漢書七表校補致為精覈尤長於五言詩論者謂可追蹤襄陽不但無愧於劉先

生王阮亭也七律亦清疏亮拔

同許秋史登臨江關

憑高覽形勝閩越此名邦嵐氣不成雨鐘聲遙墜江暗潮生樞浦遠翠到疏窗更訂登臨約莫閒游屐雙

送張琴溪

江氣雨冥冥龍吹秋水腥西風下黃葉有客正揚舲爲我一橫笛離愁滿洞庭舳舻聲煙際去遙見數峯青

與懿谷兄停雲攜琴至臨江關待秋史不至

客有抱琴至泠泠風入絃滄江淡無際落日欲生煙餘響  
忽中斷秋懷殊渺然美人不相見悵望隔遙天

曉起出城游淨慈寺

城上畢逋烏夜啼城頭曉角風淒淒梵唱度雲寺隔水鴈  
聲破煙人過溪閒門花掩石蘿老孤塔影隨山月低爲語  
龐眉老尊宿松陰深處卜幽棲

臨江關送秋史

楓葉下紛紛揚舫獨送君天低星在樹江遠水生雲鄉思  
因秋起客愁憐袂分西風折楊柳忍向笛中聞

送饒子珍璞歸安徽

春草綠汀洲長卿正倦游落花二三月歸客一孤舟別路  
梅仙嶺鄉心謝眺樓石鳧山下月夜夜照離愁

五顯嶺至峽口

前嶺與後嶺勢若排空來谷深自成澗石圻各爲崖林腥  
虎氣伏霧暗猿聲哀登高收昔遁探祕娛今懷心領眾妙  
赴目引羣峙回霞關在咫尺雲路不可階

仙霞關

直上亂雲間雲開見眾山風煙連太末海色動諸蠻俗儉  
荒田少時清徼卒閒建州親舍在悵望隔重關

重過鄒平城下作

野綠與城齊秋雲渡嶺低幾家煙樹外行客夕陽西舊迹  
憐鴻爪勞生慨馬蹏范公祠外路細草碧萋萋

歸燕

亂後知誰在花時見汝歸轉憐經歲別如與故人違道路

曾風雨樓臺半是非深閨春寂寂簾捲又斜暉

與李吉侯郭荔巖游程符山

山有望海巖毛女洞摺嶂聲泉諸勝

良辰偕勝侶振策紆游行緬茲邱中賞遂我物外情層臺  
一眺望風物蕭以清石蓮花共色潭鏡影孤明野赤日氣  
炯巖翠秋煙生高巖阻義駕古洞閤元靈綠疊嶂如摺風  
餘泉尚聲讀書懷韓子令我仰遺型往規感昔泯餘勝與  
今并安能釋塵鞅相與樂巖耕

題郭子嘉聽漪草堂

義山舊傍玉溪居子美懷西更結廬名士由來愛泉石先  
生於此樂琴書側身天地青山老短褐風塵白髮疏海內  
烽煙今未熄豈容高致狎樵漁

將去離與吉侯外弟話別

將別共樽酒長貧憐客途屈平惟有姊士會未歸孥往矣  
依依柳維之皎皎駒明朝回首望煙樹隔程符

董兆熊字敦臨一字夢蘭吳江人諸生咸豐元年舉孝

廉方正有味無味齋詩鈔

詩話夢蘭足不出鄉里而爲學博覽無所遺工詩尤  
長於騷體文甚繁與雄卿書言不赴試舉之意云俗  
爲友唱酬甚繁與雄卿書言不赴試舉之意云俗  
士習爲時文搔頭弄姿闕然媚世蒼鵲參軍幾同龔  
演偶一得雋聲價頓增小夫豎子咸被題目心竊鄙  
之雅所不屑其憤世嫉俗類此然夢蘭亦以狂不理  
於眾口

野步

偶赴城南谿友招蕭疏氣象見林郊魚乘水喫細遺子鵲  
畏風多低結巢留客田家烹芋菽迎神村社奏絃匏海壖  
俗尙猶存古要築三椽蓋把茅



相逢行贈江弢叔

泥

秀才

截業吳城高幾許登登聲斷皋橋杵張眼看天不見人閉  
戶飄蕭還獨語瞳瞳日出閭門開十街九陌飛紅埃諸子  
繡屨撇裾過咄哉一閨如蚊雷市上酒香新釀熟死拌一  
醉鑪頭宿顧影翻爲陸雲笑發聲欲效唐衢哭少年何處  
有江郎跋扈飛揚太白狂置酒碎琴蹤拓落睨柱斫劍聲  
雷硯逢君下馬與君揖此客風塵誠獨立輓玉薦香十萬  
家要君一洗綺羅習方今平津正求士杜陵蕭育眞男子  
人生苦要致身早投筆從戎今日是血戰前年東海頭鬼  
號白晝聲啾啾殺氣連天陳雲黑陽春三月寒于秋江郎  
何不輪邊籌讀書十年奮已見世人那敢謂儒賤時危正  
賴出羣才妖氣掃卻仍清宴我歌商聲雜徵多江郎聽之

當如何且爲朱鷺饒歌曲勿作人間五噫歌

村居

匿影空村裏招邀絕輩朋秋風生野稻夜雨長湖濠水閣  
清無熱山廚澹似僧靜中喧聒耳門外落魚罾

兵動半天下漸行江以南羌村歸杜甫精舍闢羅含鶴唳  
驚寒早蛩吟弔夢酣洞庭秋色老犒敵趁黃柑

東岡有田舍云是隱君門障日借鄰樹避人居遠村用慳  
囊諱澀汲少井難渾吾欲從之往相依長子孫

垂楊維短艇旁郡避兵來晚飯拾山果行衣上水苔孫孤  
爲兒死屋徹想田萊笑謂諸鄰曲生存且一杯

聽楊元潔自彈琴歌

霜飛刺天木葉落北風卷地雁聲作滿堂色動寒淩疏知

是山人弄絃索我生泛梗多憂患無端入此雍門彈悲從  
中來不能遏衣裾情淚流潺湲方今爭琶聒人耳靡曼空  
侯聞者喜攢君手腕請君止簾外月華寒潑水

夜宿法雲庵

前山嵐翠沈暝色檐間合禽聲浴鼓亂人語塔鈴答歸依  
古佛龕始知此心雜巖扉全未扁隨風自開闔松寒生夜  
濤漫空拂鞢鞞境幽喧亦滅聞根了無納役役塵網中坐  
使秋鬢颯終當淨域居翻經補殘衲

萬斛泉字清軒興國人賜七品頂戴加國子博士銜再

加五品卿銜有尉山堂稟

詩話清軒學以程朱爲宗躬行實踐粹然一出於正  
曾文正公胡文忠公李勇毅劉忠誠諸公先後延主漢陽  
崇正上海龍門興國疊山諸書院交章論薦終不能  
強之一出年九十七乃卒所著書推本儒先維護禮

教士論以尹和靖許白雲相擬集中詩  
僅十餘篇講學之餘本不多事吟詠也

送友人還瑞昌

君反湓水側我歸雒水頭  
兩水雖異源共入大江流  
江流亦何永川流殊不息  
汪洋指東海各努奔赴力

高峯書舍中秋有感

泠泠山上月今夜分外明  
我心非木石對此能無情  
粵匪寇吳楚於茲已四秋  
生靈被屠戮白骨堆荒洲  
王師未恢復骸體誰敢收  
寒鏡懸中天相照令人愁

方宗誠字存之號相堂桐城人官棗強知縣有相堂集

詩話相堂爲植之族弟學期經世曾文正李文忠皆  
重之歸田後學使疏陳其學行加五品卿銜文在桐  
城後起諸家中最爲樸茂  
詩不多作集僅載數篇耳

得彭宮保書見示六句有作賦呈

衡岳高巍戕氣象千年新蛻蛻而磅礴鬱極斯降神賢豪  
不世出天命康時屯翊贊中興業度越甫與申憶昔 文  
皇初治極亂萌蹶中原咸震懾束手嗟朝紳南山豹隱霧  
洞庭龍潛鱗忠義倏奮發伊呂起渭莘脫卻方山冠改服  
振振袞縱橫江海上飛駛萬千輪救民殷拯溺逐賊如驅  
旛剛大塞天地奇氣一朝伸黷勞十六載日月淨無塵塵  
淨謝時去浩浩心如齋當其濟物時高情故絕人萬鍾祿  
不受在官類隱淪先憂忘後樂仲淹猶非倫東山欣再起  
位列要路津辭榮受艱鉅義進利則遠長江萬里險終歲  
勤周巡思枯夜不寐慮遠眉常顰人謂已治安憂患獨切  
身竹柏耐冬寒桂老性愈辛賤子侍公久見灼知尤眞疾  
惡如秋蕭嗜善溫若春世皆頌公義而未悉公仁與公十

年別跡疏情胥親愛我忘分位書來何頻頻貽我以詩句  
語語肝膈陳盛德若無有休休一个臣我愧非令器苦窳  
空陶甄謬膺賢相舉無術隆斯民何當罷官去隨公山水  
額名篇歌反復腹中如車輪

戴望字子高德清人諸生有謫麀堂集

詩話子高治樸學有至行博野顏氏諸書南方之學  
者傳習頗罕獨子高讀而嗜焉輯顏氏學記十卷闕  
治公羊春秋確守家法成戴氏論語注二十卷往往  
以公羊互證自成一家言詩清朗恬雅條然不染塵  
埃

立夏日雪

天意吁可怪無端夏雪飛紛紛斷江路片片送春歸愁說  
臨安事憂聞溧水圍無慘還對此默坐念庭闈

避兵東林山賦贈程大

急難重逢日相憐似弟兄家山仍夢寐烽火又清明歎息  
魚蝦市頻驚草木兵荷鋌知計拙應悔作書生

一昔

一昔繁霜四海秋端居終日抱離憂徒懷阮籍登臨歎長  
作盧敖汗漫游亂世誰能謀祿隱全生終愧客諸侯越王  
臺上思鄉處一片笳聲動地愁

度雲礮關

高枕聞江勢轉東當關一敵萬夫雄倒懸瀑布青天上亂  
激危濤怒石中當日北門亡筦鑰至今南國怨沙蟲誰憐  
匹馬秋風客望裏蒼茫似斷蓬

李善蘭字壬叔號秋紉海甯人諸生官戶部郎中加三  
品卿銜

詩話王叔精算學兼採中西成法深造盡奧幾何原本初譯非完書王叔始爲補譯好學深思心知其意爲自來疇人所未逮總所撰述合刻爲則古昔齋算學

短至前四日自駕湖旋里蔣杉亭仁榮招同崔蓮舫

舅氏德華許莢坪增曹篁坡鐘暨令兄索梅熙鴻  
藹人士燮集東野別墅分韻得欲字

終歲客鄰郡夢繞東山麓言掃先人墓歸我山下屋故人  
喜余至執手笑可掬咄嗟具盤餐香蒸新醅熟同社四五  
人磨至不待速略略酬寒暄突爨坐幽築是時雨新霽六  
峯削寒玉老樹如枯僧窺牖頂方禿杯行事眞率觴政刪  
繁酷雙螯雖過時魚亦我所欲鄉味況復佳新齋配粳粥  
縱談雜諧莊忽驚街鼓促欲去且復留盡此几上燭明日  
又他鄉回首煙波綠



張道原名炳杰字伯幾又字少南錢塘人諸生有漁浦

草堂詩集

詩話少南潛心著述熟於鄉邦掌故駢散文及詞曲  
書畫爲之輒工自言讀書二萬三千餘卷著書六十  
餘卷詩學東坡吳和甫學使謂與甬江陳  
餘山爲雙絕內行旌篤遭親喪以毀卒

旅夕病榻作

疏簾微雨減吟詞鶴背風多瘦不支客裏懷人偏善病最  
難酒醒夢回時

坐艇子渡江

淺淺瓜皮狎小舟不將風浪怕橫流空明恰稱鷗鳬性飽  
看雲山兩岸秋

寒食道中憶諸亡友

眼中一掬親朋淚彈入春風宿草多綠髮年催書客老

沈

雲黃墟春斷酒人過

周麓雲家次京

鄰家笛怨生官柳山郭詩魂

帶女蘿杜宇莫囀寒食雨紙灰如雪柰渠何

題端木叔總詩後

青田莽莽高雲秋中有鶴氣清且遁石門瀑流潑天大山  
空地冷眞龍卧君取元精總入詩蕭森澹蕩蟠孤姿太古  
明月混元雪姑射天身自然潔我詩倔强風沙麤摩盪清  
景知能無對此徘徊媿邢尹口噤其妙心已領會當努力  
禿萬豪與君並世追風騷書成藏汝洞天府鶴唳龍心夜  
能語

初秋曉入龍井

露氣收不起山氣襲衣涼背日松杉韻含風草蕨香溪田  
抽早稻路蜨覓秋糧嶺山逢樵女疏花滿髻旁

越城晚發

山城斂夕暉挂屐共春歸橋暈圓吞檠篙聲猛入磯迎人  
高樹黑窺水遠星肥吟得詩成畫貧游未悔非

別叔總

春風吹綠越峴煙中有鶴爪留其顛共尋游賞十七日能  
洗別愁三數年流水青琴思歸引名都白馬從軍篇與君  
出處兩難主安得並耕盤谷田叔總將從軍廬州

何其超字古心青浦人有藏齋詩鈔

詩話古心初與姚春木游後從張詩船客中州詩學  
具有淵源喜效賈長江爲僻苦之詞稍及而爲錢劉  
五言較勝錢心壺題其詩草云韓公吞篆遇東野張  
子擊盍逢古心閭仙祠前共還軫天風相振次寥音  
空山無人行徑微蒼苔石厚龜煙霏  
蹇雲路欄君獨往中見巨材成十圍  
聞覺阿上人挂錫支硎用前寄焦山韻柬之

黃葉無人徑支牀卧冷煙詩寒收石氣雲活養松年銅井  
一林雪寒山千尺泉此間儻相見除是不談禪

秋窗無事讀賈長江集因倣其體

繁華盡銷歇獨鳥下秋雲殘柳隋隄雪荒榛良嶽雲城寒  
清角起寺夕遠鐘聞鄉思憑誰寄蒼茫煙樹分

心有子雲好時名眞可嗤買書饒破錦豈并得殘碑食古  
從蟬化藏山問鶴知故人隔江水空復鹿門期姚子壽丈時在荊州

寄顧荃士太史

見日值君病別來彌復思閉門晚花落曳杖青山期世味  
歸田錄秋懷愈癰詩故人如問訊心事嶽雲知

密縣

山深過雨鵲雞鳴身在丹崖碧樹西盤馬入雲暉不遠回

頭惟覺萬峯低

峯巒城郭勢參差古地還來問具茨  
煙火萬家斜日晚亂山喬木卓君祠

訪唐隱士田游巖故宅

高人遺世情抗志謝主組幾間田  
隱君出山見人主韜迹依林泉闌  
寂如太古夷然萬乘前仍作煙霞語  
敝廬寄嵩陽一廬蔽風雨晚結由東  
鄰高蹤追負黍束帛徧幽巖斯人獨  
冲舉山空猿鶴愁白雲莽殘礎

諸翟訪梅花源遺址

何處春風千萬枝仙源曾許外人知  
著書元翰心多苦愛客天庸志更奇  
流水澹成高隱迹好花開到盛明時  
荒榛日暮聞嘯鳥曳杖重來感鬢絲

天寒雨雪有感時事

相對茫茫感百端側身天地未爲寬  
風來江上波濤闊雪滿山中草木寒  
側席方知儒術重登壇總覺將才難  
洛陽年少休長歎好及良時策治安

周音字諧伯江蘇山陽人有諧伯詩存

敬題通甫師詩集後時師新自都歸

昔我策馬南山陲天陰月黑驚奔雷  
前臨大溪阻絕壁巉巖一木相撐持  
電光下掃五千丈仙人王母翻雲旗  
我行不語歎荒怪喟然卻悟先生詩  
先生之才真屈宋下筆羞論周鼎重  
寒如西嶽倚高秋快如天馬絕塵鞿  
隆慶以來數作家宮聲嘈雜紛筆琶  
袁趙橫流六十載啾啾兒女歌淫哇  
先生知其因必反矯以清奇極深穩  
扶桑捧日海雲

開鯨魚挾辰江流轉是豈有筆如秋虹化爲劍鏑藏霜鋒  
杜詩韓集分明在千秋正氣凌寒空音也雕蟲學小技鸞  
鳩詎識鯤鵬意前月聞自上京來歸鞍定帶幽燕氣荆卿  
寒水去蕭蕭郭隗荒臺久寂寥會從市上尋屠狗便向山  
中逐射雕

讀清河吳明府檄書感賦

登壇顧盼浮雲清遙指天日告列城心長語重三丁甯使  
我悲憤交縱橫古稱文章侔元氣武夫悍卒能揮涕讀公  
此書不墮淚馬牛衣裾神所棄酒酣倚劍髮衝冠道旁築  
室古所患何當眾志化磐石莫令咫尺生波瀾

袁江百尺明人影有兵可用水可飲欲往從之百憂煎高  
堂素髮已垂領男兒墮地終儒冠蟲吟草間蝨處禪北門

管籥荷君重幕府殷繁須士用操戈逐賊良未能借箸前  
籌睇一中長歌寄謝諸少年幸牀下伏毋匈匈

昔游

昔游胸山陽東海看出日空中金雞鳴紅霞黯愁色火輪  
忽飛耀蒼巖炫丹闕半頂聆清風波濤萬里闊水天霽景  
明帆檣植如髮蓬萊露氣深浩蕩潮頭沒窮秋惜日短萬  
象助淒冽歸來倏三載道路隔榛棘官場萬井竈化爲豺  
虎窟巨魚吼若雷齒牙利金鐵青山雖在眼難具浮海筏  
藥囊今已空惆悵兩鬢雪

去年游京都往來岱宗側仲夏山氣盛殘陽半天赤朱欄  
互微徑跼步凌石壁浩浩萬松端隱若風霆激靈宮映窈  
窕幽泉鳴滴漉暮霞澹餘彩仙路渺悽惻六龍駕不回天



門沒行迹秦皇與漢武  
薜苔隱深刻晚入東嶽祠  
蒼槐冷氣逼閼壯隔人  
天神鬼森動魄入世厭塵土  
干戈尤偪仄終焉置吾家  
長年飽山色

別墅雜詩

多學身何得躬耕亦未遲  
世情勞者善物態靜中知  
草露披晨耨樵歌聚晚炊  
連朝有營葺眼底富茅茨

窮鄉寡人事偃仰寄吾真  
世路方吹沸人情幾積薪  
風帆悵東海山色住西鄰  
萬國親戎馬吾終老釣緡

程曉字蘭畦儀徵人諸生有嘯雲軒詩文集

詩話蘭畦因揚州寇擾流寓東臺執贄受業者甚盛  
臨川李小湖大理題其藁云眞州文學程蘭畦讀我  
千詩題四詩絨詩寄我我未報函來續遣窺全豹繁  
昔鎖院收英奇我爲敬興君退之年來分作海濱客  
君爲根矩我賓石士逢知己意氣伸亂離篤念通門  
親天勝一死吾儕福詩史憂時大題目程生程生爲

客難君家古驛名迎鑾江山屢被人量去文采何與  
卿饑寒東臺寄食誰與語離官市販非傳侶荀卿有  
激演成相孟達多哀吟上堵五行志裏古詩妖長慶  
集中新樂府程生毋太苦剝復循環一仰俯數  
窮已過幽囚歲氣滌仍皆乾淨土女中堯舜戴宣仁  
漢官威儀開建武江左況有管夷吾誓不以賊遺君  
父比間傳檄下吳閭待看降旗出建康滿池盜弄本  
懽父老程生作詩有佳句吹律陽回豈終稿寒號一  
旦驕鳳皇鳴秋蟲變鳴春鳥此詩作於同治癸亥距  
今六十年矣蘭畦自言年二十有三避寇村居始學  
爲詩身世之閱歷交游之贈答一切觸於哀樂之境  
悉寓其間曲園太史贈以詩云虞卿著  
作窮愁後杜老詩篇寇亂中蓋紀實也

述懷

螳勇晉文避蛙怒越王武軍麾滿天下壯士亦間出巧遲  
非所欽拙速安可得垂成厄虎將觀釁動蟻賊當東忽赴  
西欲南乃更北艱難賴忠貞枝梧竭心力蒼天何不仁斬  
刈未有極遠慮迴萬里近禍在頃刻淮南大布衣慷慨善

憂國迂謀適不用長劍黯無色偷生戀父母千金買一息  
大地結羅網先後理莫測生年無幾時顛沛忽我逼燈情  
長河水何人亂使黑作歌以告哀慟哭五情塞

題李小湖廷尉師

聯秀

好雲樓詩集

叔世大有患憂國惟書生達官習忌諱拱手頌昇平朝無  
白香山野無杜少陵巍巍天門開隆隆期同升詩篇及時  
事黑白終分明于己有弗便于人多見憎所以頃刻間出  
處異性情夫子早歸田傲骨餘棱棱江湖志廊廟發語皆  
血誠至言使人服罪言使人驚誰言蠡測小大海深可憑  
賤子喜吟哦寒瘦愧郊島俗學能累人讀書苦不早春花  
一過時往往不如草兵戈四方動玉石無醜好作詩爲消  
憂反用增懊惱知音良獨難敝帚以自寶低頭伏悔隅誰

復資探討大雅忽間作示我以先道經史發光怪義理掩  
文藻不顧右手胝萬本爲傾倒微名儻附驥何用憂心擣

延陵十字碑歌

凡事傳信休傳疑請君試觀十字碑有吳君子延陵垂人  
雖往矣墓在斯篆法敦古書者誰天遺一老何能辭翱翔  
鸞鳳蟠蛟螭夕陽豐草蹲熊羆想見大筆濡淋漓游夏袖  
手從旁窺南游不到非支離銘幽刻石遠致之帖小碑大  
臨摩歧君子季子無殊規陽冰變化碑所基歐陽集古胡  
游移聖賢訢合淪肝脾泰伯至德人不知幽光闡發惟宣  
尼季札一脈非旁枝讓乃家法孫能爲禍福得失天維持  
一毫計較公變私論人成敗聖所嗤嗚呼兩字潛含悲贊  
歎欲絕猜緇帷蔡邕文學鄉里兒石經且許金門施石鼓

剝落斜復敲昌黎尙惜空棄遺先聖手澤何瑰奇書以人  
重觀忘疲安得願爲天下師羹牆如見當臨池我欲言之  
分慚卑天風颯颯碑前吹

口占

於世眞無補飄零贅此身自然消意氣何處著經綸有夢  
翻愁夜無花嬾過春對人常默默龍性亦能馴

書憤

花飛草長太無情百感多於靜處生未死豈甘忘骨月有  
生何苦負聰明處囊壯志應無用躍冶文心不肯平蝸角  
祇今餘一笑向來容易說功名

避寇由甘泉公道橋至東臺

鐘火湖干別有天風聲鶴唳總茫然國殤頃刻猶交臂襁

負何人敢息肩每到窮途思致命絕無長策且愁眠歡呼  
忽聽來飛將一戰功成萬口傳

李光炘字晴峯號平山儀徵人有龍川詩鈔

詩話道咸之間石埭周太谷星垣講學於揚州晴峯  
與同邑張石琴積中並為高弟同治初石琴居山東  
黃崖山中聚徒講學時值寇亂黃崖地僻險避亂者  
歸之遂成都聚其徒用古衣冠祭孔子畫語大作闕  
文介公為巡撫微之出畏罪不應兵至焚戮甚慘昭  
介後深悔之光緒間喬茂萱左丞官諫垣為奏請昭  
雪晴峯當時亦匿迹韜晦其學尊良知尚實行近於  
陽明旁通佛老間附識緯故世謂其出王心齋泰州  
學派士大夫多注門下籍者而書祕不傳晴峯詩具  
風調且流連花月不似講學人語洵不可測其感懷  
詩似即為石琴作又有贈黃  
隰朋詩隰朋傳其學者也

丁巳夏日送石琴北上感賦

兵氣連凶歲驚心六月寒天戈頻挫畔國步太艱難東魯  
儒宗大南天雁影單銅駝荆棘淚忍與爾同看

名世徒虛耳休言王者師清樽辭舊雨梁木壞多時爾我  
中年後兵戈未了期相逢問軍旅俎豆亦何爲  
永夜不成寐匡山舊夢長白蓮三伏雨紅葉九秋霜此別  
一揮手天涯孤棹行臨風吾有詠髣髴話滄浪

感懷

海上成連去不回人間都道伯牙非知音縱有鍾期在一  
半琴心已化灰

回首蓬山路幾千人天消息竟茫然子規聲裏楊花落腸  
斷江南李謫仙